



Khairy Jamaluddin

‘Perolehan vaksin tertakluk kelulusan NPRA’

Putrajaya: Perolehan vaksin ke dalam negara ini tertakluk kepada kelulusan Bahagian Regulatori Farmasi Negara (NPRA), Kementerian Kesihatan (KKM).

Menyertai Sains, Teknologi dan Inovasi, Khairy Jamaluddin, berkata jika pakar agensi itu tidak bersetuju luti dengan keselamatan dan keberkesanan vaksin berkenaan, pihaknya tidak akan membeli vaksin terbabit.

Katanya, ia termasuk vaksin yang dikeluarkan oleh syarikat farmaseutikal China, Sinovac Biotech.

“Data klinikal Sinovac baru sahaja dikeluarkan. Kami akan mengkaji data berkenaan sebelum memutuskan (untuk membeli atau sebaliknya).

“Inilah sebabnya mengapa strategi kami menjadi portfolio dalam vaksin,” katanya dalam ciapan di Twitter.

Selain itu, Khairy berkata, bagi memastikan negara ini mempunyai bekalan vaksin yang mencukupi dan mengurangkan masalah kawal selia dan pembelian, kerajaan akan memperoleh vaksin COVID-19 itu lebih daripada satu sumber.

“Tambahan pula, tidak ada lagi pengeluar yang dapat memenuhi semua keperluan dan ini sama dengan kebanyakan negara,” katanya.

Dalam ciapannya yang berlainan, Khairy turut mengucapkan selamat maju jaya kepada Indonesia kerana memperoleh vaksin Sinovac lebih awal.

“Selamat maju jaya kepada Indonesia. Indonesia dapat vaksin Sinovac awal sebab menjadi negara di mana vaksin berkenaan diuji dalam ujian klinikal, sebelum didaftarkan.

“Brazil, Turki juga buat ujian klinikal Sinovac sebab jumlah kes mereka yang tinggi tahun lalu,” katanya.

Terdahulu, media melaporkan ujian klinikal Brazil mendapati vaksin Sinovac yang dikeluarkan oleh China berkesan 50.4 peratus.

Bulan lalu, menerusi vaksin yang sama, Turki mencatatkan ia berkesan sebanyak 91.25 peratus, manakala di Indonesia, keberkesanannya 65.3 peratus.